

mainatges d'òc **PLUMALHON**



Objectiu :
8848 m



**Askeladden
e to tröll**



Bon Nadal !
Bona annada !

(S. J. E.)
L'Espresso

Los impalàs

Dins l'erbatge de las savanas africanas viu una antilòpa polida e graciosa apelada impalà.

Los impalàs son de mamifèrs del pel ros viu, clar suls costats. Aquela gazèla de talha mejana pòt pesar unes 82 kg. Se'n tròba dins mai d'un país d'Àfrica : Còngo, Zambia, Tanzania. Se tròba tanben d'espècias d'impalàs un pauc diferentas en Oganda e al Kenya.

Los impalàs son d'animals que vivon en tropèls de 15 a 20 femèlas jos l'autoritat d'un mascle. Òm los tròba mai que mai dins las savanas o dins las forèstes clares, a proximitat dels punts d'aiga.

Los impalàs son actius de nuèch coma de jorn. Lo tropèl cèrca per s'avidar. Manjan la fuèlha de cacièr, la dels bartasses. Paisson l'èrba rasa tanben e manjan de frucha.



La reproduccion

Dins los periòdes de reproduccion, los mascles se pòdon batre ferotjament per renhar sus un grop de femèlas. Son de bon reconéisser amb lors banas longas e ponchudas en forma de lira. Las femèlas demòran al despart per esperar lo mascle venceire.



An un atots ça que la. Los impalàs son d'animals dels pus vius e pòdon far de sauts prodigioses. Pòdon far de sauts de 9 mètros de long e de 3 mètros de naut. Plan sovent, aquelas proesas lor sauvan la vida.

Los predators principals dels impalàs son lo leopard, lo licaon e tot còp, lo leon. Los impalàs an pas una bona vista e quand veson lo dangièr, sovent, es tròp tard.

